

# Dienelkander



## Nuusbrief van die Gereformeerde Kerk Potchefstroom-Oos

21 Junie 2015

### OGGENDDIENS: Ds Piet

Ons geniet vanoggend weer die genadevoorreg om aan die tafel van ons Here Jesus te deel. Lidmate van ander gemeentes wat aansoek gedoen het om saam met ons Nagmaal te gebruik, word hartlik daartoe uitgenooi.

**Skriflesing:** 2 Kronieke 14: 2 - 15:19

**Teks:** 2 Kronieke 15: 2

**Tema:** Bly by die Here en Hy sal by jou bly.

Ons kyk vanoggend en vanaand na die lewe van koning Asa en sy verhouding met God. Solank as wat Asa sy vertroue in die Here stel, het die Here Hom beskerm en bewaar. Dit is ook sy belofte vanmore vir ons! Hy is getrou en solank ek Hom vertrou sal Hy by my bly!

Kom ons ontvang dan vanmore die tekens van brood en wyn uit die Here se hand as 'n mosie van ons vertroue in die Here. Dat ons by Hom wil bly en ons beskerming in Hom alleen soek. Wie dit doen, sal nooit teleurgestel word nie.

### Ontmoetingsdiens

Intreelied: Sb 10-2; Votum; Seën;  
Lofpsalm Ps 91-1: 1, 2; Geloofsbelijdenis:  
Sing Sb 12-3: 1, 2

### Verootmoedigingsdiens

Wet: Nagmaalsformulier van Calvyn:  
inleiding en selfondersoek; Sing Sb 3-4: 1,  
5; Gebed

### Woorddiens

Skriflesing; Woordverkondiging;  
Sing Ps 91-1: 5, 7 (staande)

### Sakramentsbediening

Nagmaalsformulier; Sing: Sb 17-3: 1, 2;  
Nagmaalbediening; Sing aan tafel  
Ps 116-1: 4, 5: Gebed

### Antwoorddiens

Liefdegawes; Sing Ps 91-1: 8; Seën;  
Amenlied Sb 13-3.

### AANDDIENS: Ds Piet

**Skriflesing:** 2 Kronieke 16

**Teks:** 2 Kronieke 15: 2

**Tema:** Ware geloof is dankbare volharding in die Here.

Ons het vanmore gesien dat Asa aanvanklik sy vertroue in God gestel het en dat die Here hom beveilig en geseen het. Ware geloof beteken egter dat ek uit dankbaarheid vir die Here se sorg ook volhard om my vertroue in die Here te stel.

Asa se geloof het egter nie die toets deurstaan nie! Hy het sy vertroue in die Here verloor en sy vertroue in mense begin

stel. Getrou aan sy belofte het die Here Asa die dure prys daarvoor laat betaal.

Die vraag vanaand: Kan ek en jy volhard in ons dankbare geloof? Betaal ons dan nie ook dikwels die dure prys van die slegte gevolge van die sonde wanneer ons ons vertroue in die Here verloor en op allerhande ander dinge begin vertrou nie?

### Vooraf sang

Lied 203: 1, 2, 5 en Lied 200: 1, 3

### Ontmoetingsdiens

Intreelied: Lied 190: 1; Votum; Groetseën;

Loflied: Psalm 1-1: 1, 2, 3 ; Gebed

### Woorddiens

Skriflesing; Woordbediening;

Sing Ps 1-1: 4

### Antwoorddiens

Liefdegawe; Bevestiging van ouderling;

Sing Ps 134-4: 3; Seën: Sing Ps 134-1: 4.

### MEELEWING

- Sam en Lina Bezuidenhout (Groep 22 - 072 418 0332) se seun word steeds in die hospitaal behandel.
- Willem de Jager (Groep 23 - 072 124 7296) was in Medi-kliniek na 'n beroerte. Hy sterk nou weer tuis aan.
- Stephanie Bredenhann (Groep 12 – 082 257 1350) was in die hospitaal opgeneem vir ondersoek en behandeling.
- Estette Bredenkamp (Groep 23 – 082 865 4381) ervaar baie pyn wanneer sy beweeg en was die week in Klerksdorp opgeneem vir toetse en inspuitings. Sedert Donderdagnag is sy in Mooimed hospitaal na noodopname weens bloeddruk probleme.
- Tom Larney (Groep 29 – 082 711 2502)

ondergaan eerskomende Vrydag 'n nieroperasie. Ons bid hom sterkte en beterskap toe.

- Daar is baie lidmate wat siek is aan griep, verkoue en bronkitis.

### Ons bid dat die Here spoedig beterskap en herstel sal gee.

### ONS DINK OOK AAN DIE VOLGENDE LIDMATE WAT SUKKEL MET SIEKTE OF SWAK GESONDHEID

Srs Sannie Reyneke, Filina Coetsee, Marianne Kruger, Bettie Ras, Janet vd Walt, Hester Buys, Kosie Kruger, Therina vd Westhuizen en br Fanie Bezuidenhout.

### ONDERSTEUNING VIR SIEKES

Vir ondersteuning of besoeke deur die hospitaalbesoeke-diensgroep, skakel hierdie week vir:

[siekies@oosdoppers.co.za](mailto:siekies@oosdoppers.co.za);

Marian de Kock (082 950 4358)

### ONS VERWELKOM GRAAG:

Gerhard en Anika Kruger met Janke wat by ons aansluit. Hulle woon in Rivierstraat 217A, groep 36.

### BAIE GELUK

Baie geluk aan Chris en Maryna van der Walt wat nog 'n kleinseun ryker geword het.

### SOSIALE MEDIA VIR ONS GEMEENTE:

Webblad: [www.oosdoppers.co.za](http://www.oosdoppers.co.za)

Facebook: [www.facebook.com/oosdoppers](https://www.facebook.com/oosdoppers)

Ons wil ook graag 'n vriendelike versoek rig, dat u nie op die gemeente se elektroniese sms-stelsel terug antwoord nie, maar asb die kerkkantoor bel of e-pos stuur, aangesien dit 'n rekenaar-sms is.

## **AFKONDIGINGS**

### **Vandag**

GEEN Gebedsgroep

09:10 Ouderlinge-vergadering

09:30 Oggenddiens

Tee en Koffie

Geen Kleuterbediening

Geen Katkisasie

12:00 Nagmaal-ete

18:00 Aanddiens

### **Dinsdag**

6:00 Geen Manne-ondersteuningsgroep -

sal weer vergader wanneer ds Piet

terugkeer van verlof

### **Woensdag**

09:30 Bybelstudie

Geen katkisasie

19:00 Bybelstudie

### **Vrydag**

Skole sluit

## **SAKE VAN DIE OUDERLINGSTAFEL**

### **1. BEGROTING 2015 - 1016**

Na aanleiding van die gemeentevergadering oor ons gemeentelike begroting gee die ouderlinge graag terugvoer oor die dankoffers van lidmate. 'n Kommissie van die ouderlinge het die hele proses van begroting en opneem van dankoffers ondersoek en baie positiewe aanbevelings gemaak wat die inhouding van en kontrole oor dankoffers baie gaan verbeter. Die ouerlinge het ook opdrag gekry om dankoffervorms te gee aan lidmate wat nog nie aanduiding van hulle dankoffer vir hierdie jaar gegee het nie. Daar sal ook kwartaalliks terugvoer aan die gemeente gegee word oor die stand van sake.

**Met groot dankbaarheid teenoor die Here kan ons meld dat na die gemeentevergadering en agv die**

**opvolgwerk wat ouerlinge doen, het die inkomstebegroting reeds 'n R 151 440.00 positiewe aanpassing ondergaan.** Ons is die Here baie dankbaar vir lidmate wat hulle dankoffers aangepas het. Die ouerlinge is ook positief dat met die nuwe werkswyse daar nog verdere postiewe aanpassing sal kom.

Daar is ook 'n kontroleproses aan die gang oor lidmate wat geen dankoffers gee nie en die ouerlinge sal met 'n volgende geleentheid terugvoer gee oor die stand van sake.

### **2. BUITENGEWONE SINODE 2016**

Die ouerlinge het ook kennis geneem dat 3 streeksinodes beswaar aangeteken het teen die verkleinde, spesiale sinode wat in Julie 2015 moes sit oor die beswaarskrifte insake die vroue in die amp. Die gevolg van hierdie besware is dat die spesiale sinode nou eers van die baan af is en die voorstel is dat daar in Januarie 2016 'n buitengewone algemene sinode opgeroep gaan word om die sake af te handel. Soos u bewus is het die kerkrad reeds 'n besluit oor hierdie saak geneem. Die ouerlinge het besluit om in aanloop tot die sinode weer die kerkrad en lidmate in te lig oor die besluit en die gronde daarvan sodat ons 'n begronde en selfstandige besluit op die regte tyd kan implementeer.

### **3. KLEINGROEPBEDIENING OP SONDAG-AANDE**

Uit 'n ondersoek blyk dit dat tussen 100 en 120 lidmate elke tweede Sondagmiddag/aand in groepe byeenkom vir Woordbediening en onderlinge gemeenskap. Die groep wat by die kerk onder leiding van ds Piet byeenkom groei ook aan. Ons is dankbaar om op hierdie manier vir die verskillende bedieningsbehoeftes van lidmate ruimte te skep en op die ander Sondae voort te gaan met ander dienste.

## VERJAARSDAE

Baie geluk aan almal wat DV hierdie week verjaar!

### Sondag, 21 Junie

Sr Erika Kruger	082 428 7386
Br Anton Styger	078 114 1757
Jbr Christiaan v Zyl	

### Maandag, 22 Junie

Sr Bettie Ras (89)	018 294 8953
Br Niekie vd Walt	084 601 3235
Br Gerrie v Deventer	083 450 2518
Jsr Elbè v Jaarsveld	

### Woensdag, 24 Junie

Sr Marijke Faught	072 216 1447
-------------------	--------------

### Donderdag, 25 Junie

Sr Therese Coetzee	082 334 9064
--------------------	--------------

### Vrydag, 26 Junie

Br Fanus Kruger	076 215 1351
Br Thys Kruger	083 675 4887
Br Jurgen Schreck	084 253 1240
Sr Wilmarie vd Merwe	083 379 9154
Sr Lynette vd Walt	083 321 6378

### Saterdag, 27 Junie

Sr Alicia Bruwer	082 332 0295
------------------	--------------

## ANDER AFKONDIGINGS

- **Ds Karel is met verlof tot 26 Junie.**
- **Ds Piet is met verlof vanaf 26 Junie tot 17 Julie**
- **Adèle en Elsa is 29, 30 Junie en 1 Julie met verlof**
- Liefdegawe vanoggend vir Barmhartigheid.
- Gawe by die deure vanoggend vir die Voorsieningsfonds.
- Gawe volgende Sondag vir die Teologiese studentekas.
- Vrywillige bydrae vir voertuigsekuriteit in

die bussies by deure.

- Diensbeurte: Groep 20 en 21.

## KENNISGEWINGBORD

- Moot-Kamp vir graad 10 - 12 leerders.
- Hou God in skole projek - fietstoer en ondersteuning.
- Plaaslike Bybelverspreiding: Faans Steyn.
- Hondjies te koop.

## AMANDELBLOEISELS

Op Woensdag 10 Junie is ons weereens in die Skuur se voorportaal begroet met gedekte tafels, vrolike blommetjies en snoesige sonskyn. Ds Piet het kom open met 1 Tim. 4:16 "Let goed op jou lewe en jou leer, volhard daarin ...". Ook ons as ouer lidmate het nog 'n taak om naby God te leef en 'n voorbeeld vir ander te wees.

Daarna het Joke Botha ons vertel van hul besoek aan Nederland. Ook die huis waarin sy tot vyfjarige ouderdom gewoon het, is opgespoor. Toe het ons verder in die saal gekyk na 'n fotovertoning van hul besoek. 'n Hoogtepunt was natuurlik die pragtige plate tulpe in Keukenhof - al die kleure van die reënboog in volle blom! 'n Leersame en verrykende ervaring.

Terug in die sonnetjie is ons getrakteer met drie soorte sop en broodjies. Praat van gesellig saamkuier! Tannie Yda Vosser het ons ook laat glimlag met haar kostelike voorlesing. Baie dankie aan almal wat die heerlike byeenkoms moontlik gemaak het.

## BILTONGAAND - 14 AUGUSTUS

Broers en Susters

Ons herinner almal aan die Biltongaand wat hierdie jaar op Vrydag 14 Augustus plaasvind. Die Biltongaand was nog altyd een van die lekkerste byeenkomste op ons Oosdopper kerkkalender en beloof om weer 'n heerlike, gesellige kuieraand te wees.

Ons doen 'n beroep op ons susters om jouself asb as gasvrou beskikbaar te stel.  
Vir enige navrae kan u gerus met enige van die volgende susters kontak maak:

Rieëtte Venter, Susan Steyn en  
Em Volschenk  
Sustergroete

### Gaweveiling 2015

So ongeveer 6 jaar gelede het ons met groot vrug die eerste gaweveiling in die gemeente gehou. Dit was baie groot pret en dis nou weer sulke tyd. Op **Vrydagaand, 18 September**, gaan ons weer 'n gaweveiling hou. Die doel met die veiling is om fondse vir ons gemeente in te samel asook om gesellig saam te wees.

Die gaweveiling werk as volg:

Elke lidmaat in die gemeente is geseënd met gawes wat God aan ons gegee/ geleen het. So kan elkeen wat sy weg oopsien, van sy gawes skenk om op die veiling te verkoop. Ons wil dit graag benadruk dat dit nie 'n wit olifant of skrootveiling is nie.

Die een het byvoorbeeld die gawe ontvang om houtwerk te doen, so hy skenk 'n handgemaakte hout item wat verkoop kan word. Iemand anders het dalk die gawe ontvang om beskuit te bak en so 'n persoon skenk 5kg beskuit om te verkoop. As jy so geseënd is om 'n vakansiehuisie by die see/elders te hê, kan jy dalk 'n week of twee skenk om te verkoop. Jy kan ook professionele dienste aanbied wat ons kan verkoop bv. die opstel van 'n testament, die aanbied van ekstra Wiskundeklasse, klavierlesse, rekenaarvaardigheidslesse, ens.

Gaan dink bietjie kreatief oor watter interessante dinge jy kan aanbied. In die verlede het mense bv 'n ete vir twee laat opveil, of twee aande se babaoppasdiens, of 'n geskenkmandjie vir 'n verjaarsdag, ens.

Ons hou dan 'n gaweveilingaand met iets te ete en te drinke. Terwyl ons gesellig saam verkeer, het ons 'n bekkige afslaer wat die gawes per veiling verkoop. Alles word verkoop sonder reserwepryse.

Kom broers en susters, ons gaan kyk 'n bietjie wat se gawes ons het om te verkoop en dan skenk ons wat ons het. Skakel gerus vir Christo van der Walt by 083 644 6194 of Rieëtte Venter by 082 898 4197 as jy iets het vir die veiling of meer inligting wil hê.

Baie dankie dat ons weer soos in die verlede op u ondersteuning kan staan maak.

Die Gaweveiling-span

### BEROEPENUUS

#### BEROEPE BEDANK

- Dr AJ Coetsee [Albert] van Uitschot na Pretoria-Alkantrant.
- Ds JJ de Kock [Kobus] van Oranjerivier na Vryburg.

# Susters



## Hand 2 : 46 - 47a

"Hulle het almal elke dag getrou by die tempel bymekaar gekom, van huis tot huis die gemeenskaplike maaltyd gehou, hulle kos met blydskap in alle eenvoud geëet en God geprys."

Dankie aan elke suster vir haar dienswerk in ons  
Here se kerk

## TEESKINKGELEENTHEID

Tee word vandag in die Skuur bedien onder die leiding van Joey Lubbe (groep 19); Ansa Coetsee (groep 23) en Salomè Jonker (groep 39).

Baie dankie aan die groepsusters en hul groepe se susters en broers wat met die skink en opwas help! **Ons moedig susters en broers aan om te kom help met die skink en opwas - so leer ons mekaar en ons nuwe groepe beter ken!**

## BAIE DANKIE

Gerhard en Sonette Turkstra skenk vir ons koekies om weekliks saam met ons koffie en tee te geniet. Baie dankie vir hierdie groot bederf - ons waardeer dit opreg!

## NAGMAAL-ETE

Baie dankie aan Shantell Andersen en die susters van Blok C vir die voorbereiding en aanbied van 'n heerlike Nagmaal-ete.

## SUSTERSBYDRAE

Die susters se fondse word verkry uit elke suster se vrywillige bydrae (R150 per jaar) en die fondse wat geïn word tydens fondsinsamelingsgeleenthede. Hierdie geld word gebruik om uit te reik na minderbevoordeeltes en daar word jaarliks aan verskillende verdienstelike instansies, hoofsaaklik in Potchefstroom, donasies gegee.

**Kyk gerus uit vir ons bruinkoevert waarin jy jou sustersbydrae kan sit en in die kluis kan gooi!**  
(Beskikbaar op die tafel in die kerk se portaal en ook in die skuur se portaal)

## BAIE DANKIE AAN ONS BORG VAN DIE WEEK!

  
Kerkstraat 199  
Potchefstroom  
Tel: 297 7247  
**MOOI RIVIER**  
APTEEK PHARMACY  
Elke dag oop tot 20:30

ESTÉE LAUDER      ORLANE PARIS  
**PAYOT** PARIS      CLARINS PARIS  
**Kanebo**      REVOLON  
**ROC**      GREEN + CROSS

# OOSDOPPERTJIES



## NUUS UIT DIE BYBELKOERANT



### WEDUWEE KOOP HAAR TWEE SEUNS LOS MET OLIE

JERIGO - Die weduwee van 'n profeet het vandesweek op 'n sonderlike wyse van haar skuld ontslae geraak. Sy het kruike en kruike vol olie verkoop.

Die vrou, wat diep in die skuld geraak het sedert haar profeet-man se dood, het haar lot by die profeet Elisa gaan bekla. Al wat sy in daardie stadium oorgehad het, was 'n erdekannetjie olie. Omdat sy nie haar skuld kon betaal nie, het haar skuldeiser gedreig om haar twee seuns as slawe te vat in ruil vir die skuld. Op Elisa se bevel het die seuns leë kruike by die bure gaanleen, soveel dat die huis vol gestaan het. Toe het sy met die olie uit die erdekannetjie die leë kruike begin vul. Die olie het eers opgeraak toe die laaste leë kruik vol was!

Die geld wat hulle met die verkoop van die olie gekry het, was nie net genoeg om haar skuld te betaal nie, daar het selfs oorgebly dat sy en haar twee seuns daarvan kan leef.

Lees hierdie merkwaardige verhaal in 2 Kon. 4: 1-7.